



Ե Ր Կ Շ Ա Բ Ա Թ Ա Թ Ե Ր Թ

ՀՀ Դաշնակցության Արցախի Կենտրոնական Կոմիտեի պաշտոնաթերթ

Մենք համացանցում

www.aparaj.am

ՀՀԴ-ն հավատում է Հայաստան-Արցախ-Սփյուռք եռամիասնության ուժին

Արցախի շուրջ տեղի ունեցող քաղաքական գործընթացների համատեքստում վերջին զարգացումները, մասնավորապես Ռուբեն Վարդանյանի պաշտոնանկությունը, հակառակ ներկայացված բացատրություն-հիմնավորումների, բազմաթիվ հարցերի ու մտահոգությունների տեղիք է տալիս: Հանրային տրամադրությունների անտեսմամբ եւ առանց դերակատար քաղաքական ուժերի կոնսենսուսի նման որոշման կայացումը, անկախ դրդապատճառներից, ինքնին անընդունելի է:

Խնդիրն այն է, թե Արցախի դիմադրողականության առումով որքանով է կայացված որոշումը ճիշտ: Ի սկզբանե հայտնի էր, որ պետական արտաքին քաղաքականության հարցերի պաշտոնում Ռուբեն Վարդանյանի նշանակումը թե՛ Ադրբեջանում, թե՛ Հայաստանի ու Արցախի որոշակի շրջանակների մոտ լուրջ հակադեմոստրացիայի էր արժանանալու: Այդպես էլ եղավ, երբ ալիեյան բռնապետությունն ու ՀՀ իշխանությունը միաժամանակ ճնշում բանեցրին Արցախի վրա, որպեսզի Ռուբեն Վարդանյանը հեռացվի պաշտոնից:

Այս կացությունն անընդունելի է եւ մեծագույն հարված Արցախի Հանրապետության ներքին անհրաժեշտ կուռ միասնականությանը:

Հակառակ իրողություններին, հնարավոր էր դարձել Արցախում դրական տեղաշարժեր արձանագրել՝ հույսն ու պայքարի ոգին անադարտ պահելով: Վերջին ամիսներին արցախահայության դրսևորած տոկոսությունն ու կամքը արժանացել էին համահայկական գնահատանքի:

Այդ հույսը հաղթանակների վերածելու գործում բոլոր անելիք ունենք: Նպատակների ու դրանց հասնելու միջոցների հստակ ձեւակերպման ամենօրյա հետեւողական աշխատանքը, որքան էլ դժվար, անարդյունք չի կարող մնալ: Հակառակ ներքին ու արտաքին դավադիր ծրագրերի, հայության արժանապատվության եւ լինելիության պայքարը պետք է շարունակվի:

ՀՀԴ-ն հավատում է Հայաստան-Արցախ-Սփյուռք եռամիասնության ուժին եւ շարունակելու է իր բոլոր հնարավորություններով նպաստել դիմադրության ու պայքարի գործին:

ՀՀԴ Բյուրո
28 փետրվարի, 2023 թ.

Արցախի խորհրդարանի երեք խմբակցությունները չեն մասնակցել ԱՀ ԱԺ նիստին

Հաշվի առնելով ներքին խնդիրները, մեր առջեւ ծառայած մարտահրավերները՝ երեք քաղաքական ուժերով հավելյալ քննարկումներ ենք ունեցել եւ որոշել, որ չենք մասնակցելու այսօրվա նիստին: Այս մասին փետրվարի 23-ին կայացած Արցախի Հանրապետության Ազգային ժողովի հերթական նիստի սկզբնամասում հայտարարել է ԱՀ ԱԺ «Հայ Յեղափոխական Դաշնակցություն» խմբակցության պատգամավոր Դավիթ Իշխանյանը: Նա հիշեցրել է, որ երեկ երեք ընդդիմադիր քաղաքական ուժերով Արցախի ներքաղաքական խնդիրների մասին հայտարարություն են հրապարակել, ինչից հետո ԱՀ ԱԺ «ՀՀ Դաշնակցություն», «Արցախի ժողովրդավարական կուսակցություն», «Արցախի Արդարություն» խմբակցությունների անդամները հեռացել են նիստերի դահլիճից:



Իշխանություններն իրավունք չունեն շեղվելու պայքարի ճանապարհից

«Արդարություն» կուսակցության, ՀՀԴ Արցախի կառույցի եւ Արցախի ժողովրդավարական կուսակցության համատեղ հայտարարությունը Արցախում ստեղծված իրավիճակի եւ հնարավոր զարգացումների համապատասխանատվության մասին

2020թ. պատերազմից հետո մեր երկրում ծագող խորքային ճգնաժամային երեւույթները եւ իշխանությունների՝ դրանք լուծելու անպատրաստությունն ու վճռականության բացակայությունը հանգեցրել են ներքաղաքական վտանգավոր զարգացումների: Դրա արդյունքում հաճախակի փոխվում են կառավարության անդամները եւ ստեղծվում են իրար կրկնող պետական կամ հանրային նոր մարմիններ, որոնք լրջորեն վնասում են կառավարման համակարգի արդյունավետությանը:

Խորքային խնդիր է դարձել նաեւ Արցախի եւ Հայաստանի միջեւ հարաբերությունների ներկայիս ոչ բավարար մակարդակն ու որակը: Հետպատերազմյան ժամանակահատվածում Հայաստանի Հանրապետության գործող իշխանությունների կողմից ուղղակի կամ անուղղակի հետևանքներ է գրանցվում ազգային խնդիրների եւ, մասնավորապես, միջազգային հարթակներում Արցախի շահերի պաշտպանության գործում:

Հայկական երկու հանրապետությունների փոխհարաբերություններում նվազող վստահության հանգամանքն արտառոց երեւույթ է: 2020թ. նոյեմբերի 9-ի Եռակողմ հայտարարության ստորագրումից եւ դրան հաջորդած ոչ հրապարակային պայմանավորվածությունների արդյունքում Արցախի համար կենսական հարցերում զիջումների գնալու համաձայնությունը ակնհայտ հակասում է Հայաստանի գործող իշխանությունների՝ Արցախի հարցով հայտարարված ծրագրային դրույթներին:

Մենք իրավունք չունենք եւ չենք կարող մոռացության տալ այն իդեալները, որոնք մեզ առաջնորդել են ուղիղ 35 տարի առաջ՝ 1988թ. փետրվարյան օրերին, երբ գտնվելով առավել դժվարին պայմաններում՝ կարողացանք ոչ միայն միասնության հասնել Արցախի ներսում, այլեւ պայքարի ալիքը տարածել մայր Հայաստանում եւ Սփյուռքում:

Աշխարհաքաղաքական արագ փոփոխվող եւ ոչ նպատավոր միջավայրում անչափ կարեւոր նշանակություն է ստանում ներքաղաքական միասնության ու կայունության գործոնը, որը 2020թ. աղետաբեր պատերազմից հետո դարձել է Արցախի սուբյեկտայնությունը պահելու գրեթե միակ միջոցը: Ստիպված ենք արձանագրել, որ այդ համատեքստում նկատելի է նաեւ ՀՀ իշխանությունների ուղղակի կամ անուղղակի դերակատարությունը՝ ներքաղաքական ու համահայկական միասնությունը տրոհելու եւ պայքարի ոգին կոտրելու գործում, որին, ցավոք, հիմնականում պատկանում են թարակվում են նաեւ ԱՀ իշխանությունները:

Փաստ է նաեւ, որ վերջին շրջանում, հակառակ նախորդ երկու տարիներին Արցախի ներքաղաքական ամրության համար գործադրված ջանքերի, կտրուկ ակտիվացել են արտաքին ազդեցության գործոնները, եւ այդ միջոցով փորձ է արվում կոտրել Արցախի ժողովրդի՝ իր ապագայի համար պայքարելու կամքը: Հենց այդ համատեքստում պետք է դիտարկել անցյալ տարվա դեկտեմբերի 12-ից Արցախը Հայաստանին ու արտաքին աշխարհին կապող միակ ճանապարհի առաջուր շարունակվող շրջափակումը:

Չի կարելի անուշադրության մատնել այն հանգամանքը, որ Արցախի ժողովրդի վճռականության վրա ազդելու փորձերն ակտիվացել են այն բանից հետո, երբ 2022թ. ապրիլի 14-ին Արցախի Ազգային ժողովի կողմից սահմանվել են «կարմիր գծեր», որոնց հատումը ցանկացած պարագայում անթույլատրելի է: Դրան հաջորդել է Արցախի ժողովրդի կողմից միասնականության պահպանման եւ 1988թ. սկսված պայքարի ոգին ամուր պահելու պատրաստակամությունը ապացուցող 2022թ. հոկտեմբերի 30-ի եւ դեկտեմբերի 25-ի բազմախաղաղաբար երկու հանրահավաքները: Նման ձեւով համաժողովրդական կամքի արտահայտումը ոչ այլ ինչ է, քան յուրատեսակ պլեբիսցիտ՝ արցախահայության դիրքորոշումը վերահաստատելու ուղղությամբ: Զաղաքական այս կեցվածքով մենք նաեւ յուրահատուկ ազդակներ ենք փոխանցել մեր հայրենակիցներին թե՛ Հայաստանի Հանրապետությունում եւ թե՛ Սփյուռքում:

Այսքանով հանդերձ, երբ 70 եւ ավելի օրեր Արցախի ժողովրդը գիտակցված ու համբերատար դիմակայում է շրջափակմանը, գործող իշխանությունները իրավունք չունեն շեղվելու ՊԱՅՔԻ ճանապարհից: Այս տրամաբանությանը հակառակ զարգացումների դեպքում ամբողջ պատասխանատվությունը մնալու է օրվա իշխանությունների վրա: Ցանկացած բացթողում, սխալ որոշում եւ չիմնավորված հաշվարկ, որը կարող է վնասել մեր ընդհանուր նպատակներին եւ ջլատել մեր ժողովրդի պայքարի ոգին, կարծանա հանրային կոշտ հակադեմոստրացիային:

Անթույլատրելի ու վտանգավոր ենք համարում իշխանությունների այն վարքագիծը, երբ սեփական անկարողությունը փորձում են կոծկել ԱՀ Սահմանադրության եւ օրենքների հիման վրա ստեղծված ժողովրդաշինականությունն ապահովող մարմինների նկատմամբ անվստահության քողի ներքո:

Մենք ազդարարել ենք վերագրթոնքի՝ համահայկական պայքարի նոր հանգրվանի մասին եւ շարունակելու ենք մեր մասնակցությունը բերել ժողովրդի իղձերի իրակալացման համար տարվող համահայկական պայքարին:

«Արդարություն» կուսակցություն
ՀՀԴ Արցախի կառույց
Արցախի ժողովրդավարական կուսակցություն
22 փետրվարի, 2023թ.

Նշվել է Արցախյան ազգային ազատագրական շարժման 35-ամյակը



Արցախահայության ազգային-ազատագրական պայքարին՝ Արցախյան շարժման 35-ամյակին նվիրված տոնական միջոցառում է տեղի ունեցել Ստեփանակերտի Մշակույթի եւ երիտասարդության պալատում:

Միջոցառմանը ներկա էին ԱՅ նախագահ Արայիկ Չարությունյանը, ԱՅ 2-րդ նախագահ Արկարի Ղուկասյանը, ԱՅ 3-րդ նախագահ Բակո Սահակյանը, ԱՅ նախկին պետնախարար Ռուբեն Վարդանյանն ու կառավարության անդամներ, ԱՅ ԱԺ նախագահ Արթուր Թովմասյանն ու ԱԺ պատգամավորներ, ՀԱՍԵ թեմի առաջնորդ Վրթանես Եպիսկոպոս Աբրահամյանը, ԱՅ ուժային կառույցների ներկայացուցիչներ, զինվորականներ, հոգեւոր այրեր, Արցախյան շարժման առաջամարտիկներ, կրթության եւ մշակույթի բնագավառի ներկայացուցիչներ, արտախորհրդարանական քաղաքական ուժերի ներկայացուցիչներ, հասարակական կազմակերպությունների ներկայացուցիչներ, ուսանողներ:

Հանդիսավոր նիստը մեկնարկեց ԱՅ օրհներգով, որից հետո ներկաները մեկ րոպե լռությամբ հարգեցին Արցախյան ազատագրական պայքարում անմահացած հայորդիների հիշատակը:

Ելույթներով հանդես եկան ՀԱՍԵ Արցախի թեմի առաջնորդ Վրթանես Եպիսկոպոս Աբրահամյանը, ԱՅ ԱԺ նախագահ Արթուր Թովմասյանը, Արցախյան շարժման ակտիվ անդամներ Սլավա Առուշանյանը, Համլետ Գեւորգյանը, Կամո Սաֆարյանը, Ռազմիկ Պետրոսյանը:

Տոնական միջոցառումն ուղեկցվում էր երաժշտական ու պարային կատարումներով:



Արցախյան շարժման առաջամարտիկ Սլավիկ Առուշանյանի խոսքով՝ ամեն բան սկսվեց, երբ որ ակնհայտ դարձավ, որ կոմունիստական կուսակցությունը, հետեւելով Լենինի ցուցումներին, հարցը չուժեցրեց համար հանձնաժողովներ էր ստեղծում, եւ գործը տեղից չէր շարժվում:

«1988թ. վերջին առաջ քաշվեց նոր նախաձեռնություն, որը նույն թվականի փետրվարի 1-ին Նորագյուղի գաղտնի ժողովում ընդունվեց եւ Իգոր Մուրադյանի ու Վաչե Սարուխանյանի օգնությամբ տարածվեց մարզի հայկական բնակավայրերում:

Նորագյուղում ընդունված որոշման օրինակելի նախագիծն աննախադեպ է 1921-ից հետո, որովհետեւ առաջին անգամ ձեռնամուխ եղանք ԼՂԻՄ-ը ՀԽՍՀ-ին վերամիավորման հանրային քննարկմանն ու մայր հայրենիքին վերամիավորման հռչակմանը»,- նշել է Ս. Առուշանյանը:

Համլետ Գեւորգյանն էլ հիշեց այն պահը, երբ նստաշրջանը սկսելու համար լրացավ անհրաժեշտ պատգամավորների քանակը:

Այդ պահին ամբողջ հրապարակը թնդաց, փոքրիկ երկրաշարժ տեղի ունեցավ եւ դրանից հետո հայ ու ադրբեջանցի իշխանավորները ստիպված էին ներկայանալ նստաշրջանին ու լսել նախագահությանը: Ֆանտաստիկ միաբանություն կար 80-ականներից մինչեւ 90-ականների առաջին կեսի վերջը: Ցավոք սրտի, դաժան երեւոյթներ սկսվեցին այդ միաբանության մեջ, երբ որ Սփյուռքը, Արցախն ու Հայաստանը՝ նույն մոր երեխաները, դարձան խորթ երեխաներ, որն առ այսօր էլ շարունակվում է:

Համլետ Գեւորգյանը՝ իրավիճակը, որում այսօր հայտնվել է Արցախի ժողովուրդը, որակեց ծանր, սակայն ոչ ծանրագույն: Նա ներկաներին հիշեցրեց 1992թ. պատերազմական իրադարձությունները, երբ գնդակոծվում էին Գանձասարն ու Խաչենազետի ափերը, Ստեփանակերտում ջուր չկար, բոլորն ընկել էին այն միջանցքը, որն այսօր Լաչինի միջանցք են անվանում եւ նման էր 1915թ. ցեղասպանությանը՝ Եփրատ գետի ափերին:

«Այսօրվա վիճակը շատ ավելի փափուկ ենք անցկացնում: Գուցե դա իշխանությունների աշխատանքի արդյունքն էր, բայց մենք այնքան ենք կորցրել մեր հավատը, որ լավ գործին էլ չենք հավատում արդեն»,- ասել է Հ. Գեւորգյանը:

Նա նշեց, որ այսօր ժողովուրդը չի հասկանում՝ իրավիճակի համար ում մեղադրել, ում դեմ բողոքել, եւ հարցեր ուղղեց իշխանություններին, թե արդյո՞ք հնարավոր չէր չհանել մեր բանակը Փառուխի դիրքերից, որպեսզի թշնամին չգար ու հայտնվեր Զարգլիսի բարձունքներում, ինչպե՞ս է ստացվել, որ պատերազմից հետո գրավվել են Մեծ Թաղերն ու Խծաբերդը, հնարավոր չէր Աղավնոյի բանակցություններում գոնե էլեկտրականության մասով ինչ-որ շահի հասնել:

Համլետ Գեւորգյանն այդ ամենի մեջ տեսնում է ոչ թե թուրքերի կամ Հայաստանի մեղավորությունը, այլ այն, որ մենք ոչ թե պայքարել ենք ու պարտվել, այլ համաձայնել ենք:

Խոսքի վերջում Համլետ Գեւորգյանը շնորհավորեց շարժման այն առաջամարտիկներին, որոնք իրենց կյանքը չեն խնայել մեր այս օրվա համար: Նա նշեց, որ շարժման առաջամարտիկները մոռացության են մատնված, եւ կոչ արեց հիշել բոլոր նրանց, ովքեր

անմնացորդ նվիրվել են սեփական ժողովրդին: Նա համոզմունք հայտնեց, որ արցախցին շարունակելու է ապրել իր հողի վրա այնպես, ինչպես որ ապրել է դարերով:

Շարժման առաջամարտիկներից Կամո Սաֆարյանն էլ բոլորին մաղթեց այն ամուր ոգին, որն ուներ մեր ժողովուրդը 1978-1988թթ., որպեսզի որեւէ մեկը չկարծի, թե թշնամին կամ ինչ-որ ուժեր կարող են մեր ոգին կոտրել:

Նրա խոսքով՝ Արցախյան շարժումն ավելի մեծ թափ ստացավ 1988թ. փետրվարին, որից հետո սկսվել են նաեւ բռնաճնշումները, իրենց կամքը թելադրելը, սակայն միշտ՝ այդ ժամանակներում ժողովուրդը պոռթկացել է:

«Կոլտնտեսությունների այն ժողովները, որոնք հաշվետվությամբ հանդես էին գալիս, օրակարգ մտցրին առաջինը Ղարաբաղը Հայաստանին միավորելու հարցը: Երբ փորձեցին ճնշել, իրենք ավելի ուժեղ սկսեցին դիմադրել, ու այդպես էլ փետրվարի 11-ի դեպքից հետո, փետրվարի 12-13-ին Ադրբեջանի Կենտկոմի 2-րդ եւ 3-րդ քարտուղարները գործուղվեցին Ստեփանակերտ ու Մարտունի: Ու դրանից ավելի ուժեղ դարձանք մենք»,- ասել է Կ. Սաֆարյանը:

Նա նշեց, որ Շարժման ընթացքում իրեն, Արկարի Ղուկասյանին, Ռազմիկ Պետրոսյանին եւ այլ առաջա-



մարտիկների փորձեցին կեղծ մեղադրանքներով բանտարկել, բայց ոչինչ չկարողացան անել, ու բանտերից վերադառնալով՝ իրենք 1988թ. վերջին սկսեցին ձեւավորել ինքնապաշտպանական խմբեր, որովհետեւ հասկացան, որ թուրքի հետ ուրիշ ձեւով խոսել հնարավոր չէ:

Շարժման առաջամարտիկներից Ռազմիկ Պետրոսյանը նշեց, որ շարժումը հեշտ չէր ձեւավորել, որովհետեւ Խորհրդային Միության մեջ էին, եւ շատ բան գաղտնի է արվել:

«Մեր շարժումը իսկական ազատագրական պայքար էր. ե՛ւ կոմունիստներն են պայքարել, ե՛ւ շարքայիներն են պայքարել, ե՛ւ առանձին բանվորներն են պայքարել»,- ասել է Ռ. Պետրոսյանը:

Անդրադառնալով ներկա իրավիճակին՝ Ռազմիկ Պետրոսյանը նշեց, որ շատ սխալներ ենք գործում:

«Երբ որ մի արտասահմանցի էր փորձում գալ, ռուսներն անմիջապես զանգում ու ԱԳՆ-ից կամ դեկավարությունից էին հարցնում՝ բա՞ց թողնել, թե՞ ոչ: Այդ ինչպե՞ս ստացվեց, որ ռուսական զորքը կանգնած՝ ադրբեջանցիները փակեցին ճանապարհը, ոչ մեկը ոչ մի բան չիմացավ: Ես ուզում եմ սա հասկանալ»,-ասել է նա:

Նրա կարծիքով՝ այսօր մենք չենք պայքարում, իսկ պայքարելու համար պետք է միավորվել, ու առաջարկեց Արայիկ Չարությունյանին՝ եթե չի կարողանում ղեկավարել՝ հեռանա, ու նոր նախագահ ընտրեն:

Նա ընդգծեց, որ Արցախյան գոյապայքարին ամենաշատ վնաս հասցնողները եղել են Հայաստանի իշխանությունները:

